

УЛС ТӨР

“ТӨРҮҮЛЖ ГАРГАСАН ХҮҮГЭЭ
ТУЛААД БОСГООД ИРНЭ ГЭЖ
ИТГЭЖ БАЙНА”

II нүүрт

АЯНЫ БОГЦ

ШИ ЖИНЬПИНИЙ НУТГААР...

IV нүүрт

Улаанбаатар: ӨНӨӨДӨР



Өдөр +26
Шөнө +17

Дугаарын **60** мөр

ДУГААРЫН СУРВАЛЖЛАГА

“Абсолют” нэг,
биш ээ

Э.ЭНХМАА

ОХУ-ын Буриадын “Абсолют” сүлжээ дэлгүүрийн нээлт “Хүннү Молл” худалдааны төвд цагаан сарын өмнөхөн нээгдсэн. Тодруулбал, 2017 оны хоёрдугаар сарын 10-нд. Орос бараанд “нутгасгүй” дуртай Монголын ард түмэнд Буриад явж, орос бараа чирэхийн зовлонгоос ангижирч, Улаан Үдэд зарагдаж байгаа үнээр нь худалдан авалт хийх болсон нь эдийн засаг хийгээд цаг завьд хувьд таатай зүйл боллоо хэмээн талархан хүлээж авсан цаг. Гэвч монголчуудын “Манай бэр ирсэн өдөр шигээ сайхан зантай байгаасай” гэдэг үг амьдралд биеллээ олж, “Абсолют” –ынхан дөрөвхөн сарын дотор тараа таниулж эхлэв.

Үргэлжлэл нь III нүүрт

ГЭР ХОРООЛЛЫН “ТЭЭТӨСЭЖ” ХҮҮХДҮҮД



Гэрлэ зургийг Г.АРТУУЖИН

Н.БАТЗАЯА

Дундаа нэг унадаг дугуйтай гурван бор хүү гудамжны үзүүрээс инээлдсээр “Одоо би, үгүй би, жаахан удаан яваач ээ” гэсээр гарч ирэв. Духанд нь бурзайсан хөлс, улаа бутрах хацрыг харвал энэ хүрэх гэж багагүй замыг туулсан нь илт. Тэднээс хэрэг зоригийг асуувал биднээс 300 орчим метрийн зайд байрлах машин замтай зэрэгцээх явган хүний зам дээр дугуйгаа унахаар явж байгаа нь энэ аж. Зорилтот газраа хүрэх замдаа нэг дугуйгаа ээлжлэн унаж, хөөрөлдсөн найзуул ам булаалдан “Манай хороонд дугуй унах газар байхгүй. Бас тоглоомын талбай ч байдаггүй. Гудамжинд дугуй унахад их хэцүү, энэ тэндээс гэнэт машин гараад ирдэг. Бид хэд төв замын хажуу талын явган хүний зам дээр очиж дугуй унана.

Үргэлжлэл нь VI-VII нүүрт

Elegance is an attitude
Simon Baker
Simon Baker

LONGINES

The Longines Master Collection

Swiss Watch shop: Сүхбаатар дүүрэг, Хүүхдийн 100, Наран Молл, 2-р давхар Утас:9907-3568

УЗЭЛ БОДОЛ

Улстөрчид нь гуйлга гуйж, ард түмэн нь “ТОМ ЖЕРРИДСЭЭР”...

Г.ГАНЧИМЭГ

Монголчууд нэг л их дүнсгэр, хачин гунигтай хаврыг үдэж хөхөөн дуутай золгосон ч магнай нь тэнийх шинжгүй. Цаг агаар ч эгээ л хаврыг санагдуулам таагүй хуйсгануур хэвээр. Хаашаа л харна уур уцаартай, мөнгөний эрэлд гарч, санаагаар унасан хүмүүс. Цалингийн болоод орон сууцны зээл, ломбардын хүүндээ барьцаалагдаж, өглөг авлагатай хүмүүс өөр хоорондоо “Том Жерридэж” байгаа нь өнөөгийн нийгмийн үнэн дүр төрх. Бараа үйлчилгээгээ борлуулж

чадахгүй, гуйлга зээлээр өгсөн нэг нь мөнгөө олж авч чадахгүй, банкуудаас авсан зээлийн эргэн төлөлтийн хугацаагаа хойшлуулж, чанаргүй зээл өсөх хандлагатай байгаа нь Үндэсний статистикийн тоон баримтаас илхэн байх юм. Иргэдийнх нь дундаж цалингийн хэмжээг сар тутам өсгөх атлаа чанаргүй зээл нэмэгдлээ, худалдан авах чадвар муудлаагэсэнхоорондоо авдалдаагүй тоон мэдээг Статистикийн байгууллага өчигдөрхөн өглөө. Барьцаалан зээлдүүлэх үйлчилгээ эрхлэгчид ч ломбардад юмаа тавих гэж ирсэн хүнээс айдга

болсон гэнэ. Учир нь тавьсан юмаа эргүүлж авахгүй, бүр 2-3 жилийн турш хугацааг нь сунгуулж байгаа иргэд ч бий гэх. Арга ядаад “Юмаа хурдан хугацаанд авахааргүй шинжтэй байвал “Өнөөдөр мөнгө алга” гээд буцаадаг болжээ. Ингэхгүй бол эргэлтийн хэдэн төгрөг нь түгжигддэг гэнэ лээ. Харин албан тасалгааны цонхоор амьдрал сайхан харагддаг хэвээрээ. Сонгууль болгоны өмнө бүүр ч гэгээтэй болчихно. Дээр хэлсэнчлэн, УСХ-ноос гаргадаг мэдээллээр бол өрхийн орлого өсчээ.

Үргэлжлэл нь III нүүрт

МОНГОЛЫН МЭДЭЭ

Манай сонины III улирлын нэмэлт захиалга явагдаж байна

Улиралд **44** дугаар

Захиалгын үнэ **19800**

Монгол шуудан: 70078977
УБ шуудан: 70127027
Скай пост: 70121294
Түгээмэл шуудан: 70115025


ХААН банк	Авах			Зарах			Хугалгаа хөгжлийн банк	Авах			Зарах		
	АМ.ДОЛЛАР	ЕВРО	ИЕН	ФУНТ	РУБЛЬ	ЮАНЬ		АМ.ДОЛЛАР	ЕВРО	ИЕН	ФУНТ	РУБЛЬ	ЮАНЬ
	2365.00	2622.00	21.40	2382.00	2686.00	21.74		2365.00	2621.00	21.27	2384.00	2691.00	21.89
				2962.00	40.70	347.50					2965.00	40.41	347.50
				3050.00	42.60	351.50					3045.00	43.51	351.40

Өчигдрийн 19.00 цагийн байдлаар

ОНЦЛОХ ХУУДАС

Speak out

Тэд сонгуулиа өгнө, ТА Ч БАС ӨГӨӨРЭЙ



Гэрэл зургийг Г.АРИУУЖИНН

Б.ДАВАА

Жилээс жилд залуусын сонгуульд оролцох идэвх буурч байгаа. Тиймээс манай сонин нийгмийн хариуцлагын хүрээнд сонгуульд оролцох нь яагаад чухал, тэр дундаа залуус яагаад саналаа өгөх хэрэгтэй болох талаар олны танил эрхмүүдийн байр суурийг сонирхлоо. Бид аль нэг улстөрчийг дэмжсэнгүй. Гагцхүү сонгуулийн идэвх сайн байгаасай, залуус улс төрийн идэвхтэй байгаасай, төрийн тэргүүнээ сонгохдоо өөрсдийн дуу хоолойгоо хүргээсэй гэсэн үүднээс энэ удаагийн булангаа бэлтгэлээ.



Б.Тамир: Иргэний үүргээ биелүүлж саналаа өгнө

/Монголын сагсан бөмбөгийн холбооны ерөнхийлөгч/



Э.Мөнхтөр: Ирээдүйнхээ төлөө сайн бодож сонголтоо хийгээрэй

/СТА, Жүжигчин/



Н.Отгонбаатар: Би саналаа өгнө

/Холмог тулааны спортын талифчин/

Дөрвөн жилд нэг удаа хуулиар олгогддог улсын төрийн тэргүүнээ сонгох сонгуульдаа оролцож, саналаа өгнө. Улс эх орныхоо ирээдүй хойч үе, хөгжил цэцэглэлтийн төлөө, өнөөгийн нийгмийн илүү сайн сайхан болгохын төлөө иргэний үүргээ биелүүлж саналаа өгөх болно. Дэмжиж буй нэр дэвшигч байгаа. Залуустаа, бодож байж, зөв сонголт хийгээрэй гэж уриалмаар байна. Таны, миний үзэгний үзүүрээс бидний, үр хүүхдийн маань ирээдүй хамаарах учраас тэр. Монголчууд нэг үеэ бодвол сонгуульд нэр дэвшиж байгаа хүмүүсийн мөрийн хөтөлбөрийг нь уншиж танилцдаг, уулзалт цуглаанд нь очиж юу ярьж байгааг нь сонсч байж сонголтоо хийдэг болсон. Аливаа зүйлд ул суурьтай ханддаг болсон учраас энэ удаагийн төрийн тэргүүнээ сонгох сонгуульд хариуцлагатай хандаж, сонголтоо хийнэ гэж найдаж байна.

Сонгуулиа өгнө өө. Сонгууль өгөх эсэх нь залуус бидний эрх ч, Үндсэн хуулиар олгогдсон сонгох эрхээ эдлэнэ гэдэг нэг талаар үүрэг, хариуцлага. Тийм учраас ирээдүйгээ харж, үр хүүхдийнхээ төлөө сайтар, бодож тунгааж байж сонголтоо хийх хийгээрэй гэж уриалмаар байна. Хүн өөрөө нийгмийн амьтан. Нийгмийн харилцаанд оролцож, амьдарч буй учраас яах аргагүй улс төрийн идэвхтэй байхыг цаг үе биднээс шаардаж байна. Илүү сайн сайхан ирээдүй, үр хойчийнхоо амьдралын төлөө сайтар бодож, тунгааж саналаа өгөөрэй. Ирээдүйн сайн сайхан амьдрал, эх орны минь хөгжил цэцэглэлт зөвхөн таны, миний, бид бүгдийн гарт учир залуусаа үүргээ ухамсарлаж, сонгуульдаа идэвхтэй оролцоцгооё.

Мэдээж, Үндсэн хуулиар олгогдсон эрхээ эдлэн, саналаа өгнө. Сонгуулийг би улс төрийн идэвх гэхээсээ илүү иргэний үүргээ ухамсарлаж, өөрт олгогдсон эрхээ эдлэх боломж гэж хардаг. Тийм болохоор сонгуулиа өгнө. Ер нь залуусын сонгуулийн оролцоо сүүлийн үед муудсан. Тэд хэнд итгэхээ мэдэхээ больсон учраас ийм байдал үүссэн болов уу. Хамгийн гол нь хэн нь ард түмнээ хуурч, хэн нь үнэн ярьж буйг ялгахад больсон. Гэхдээ одоо нөхцөл байдал өөрчлөгдөж байна. Залуус ч өөр болсон. Тиймээс энэ сонгуульд идэвхтэй оролцож, эх орондоо их үйлс бүтээж, ард түмнийхээ итгэл найдварыг алдахааргүй, ирээдүй хойч үеэ дэмжих тийм л хүнийг сонгоно гэдэгт итгэлтэй байна.

М.Нарантуяа: Амьдарч буй нийгмээ илүү сайхан болгохын тулд сонгуулиа өгнө

/Дуучин/

Би мэдээж сонгуулиа өгнө. Хүн бүр л үр хүүхдийнхээ ирээдүй, амьдарч буй нийгмээ, өөрсдийн ахуй амьдралаа илүү сайн сайхан байгаасай гэж хүсдэг. Харин тэрхүү хүссэн нөхцлөө бүрдүүлэхэд нөлөөлөх нэг хүчин зүйл нь сонгуульдаа идэвхтэй оролцох юм гэж би бодож байна. Залуус улс төрийн идэвхтэй байх нь цаашдаа хэрхэн амьдрах вэ гэдэгтээ хувь нэмрээ оруулж байна гэсэн үг шүү дээ. Нүдэн балай чихэн дүлий юм шиг явж явчихаад нийгэм улам бүр муудаж, амьдрал ахуйд нь нөлөөлөд ирэхээр улстөрчдийг дэмий хашгичиж, харааж зүхэх биш, өөрсдийнхөө хүсэл мөрөөдөл бүхий тэр нийгмээ цогцлоохын тулд зөв дуу хоолойгоо хүргэдэг, зөв шаардлага тавьдаг байх хэрэгтэй. Бас өөрсдийн гэсэн оролцоотой байх хэрэгтэй болов уу. Тиймээс нийт залуустаа Монгол Улсын тав дахь төрийн тэргүүнийг сонгох сонгуульдаа идэвхтэй оролцохыг уриалж байна.



Т.Ганбүргэд: Нэг хүний ч гэсэн санал чухал

/“Авьсаглаг монголчууд” шоуны шилдэг оролцогч “Пароди” халтлагийн жүжигчин/

Би Ерөнхийлөгчийн сонгуульд оролцож, саналаа өгнө. Залуус Монголын ирээдүй учраас дуутгүй байж хэрхэвч болохгүй. Өөрийн санал бодлоо чөлөөтэй илэрхийлж, Үндсэн хуулиар олгогдсон эрхээ эдлэн сонгуульдаа оролцох хэрэгтэй. Хэдхэн хүний хуйвалдаан луйвраар эх орон минь өдрөөс өдөрт, жилээс жилд дордсоор байгааг бид нүдээрээ харж байна шүү дээ. Тийм учраас л саналаа өгөх хэрэгтэй юм. Нэг хүний ч гэсэн саналаар дутна гэж сонгуульдаа идэвхтэй оролцох хэрэгтэй. Эх орноо Монголоор нь авч үлдэхийн тулд

бидний дуу хоолой маш чухал. Залуус бид зөв зүйлийг олж харж, зөв зүйлийг дэмжиж, харин бурууг зоригтойгоор шүүмжилж, нийгмийн амьдралд идэвхтэй оролцдог болмоор байна. Хэрэгтэй, хэрэггүй бичлэг интернэтээр үзэж, хэрэлдэж талцаж байснаас ядаж улс эх орныхоо төлөө дуу хоолойгоо нэгтгэдэг бай. Социал сүлжээгээр сүүлийн үед бүтэх бүтэхгүй юм ярьсан хүмүүсийн бичлэгийг их үзэх болжээ. Гэвч тэдгээр нь хүүхэд, залууст лав сайн үлгэр дуурайлал үзүүлэхгүй. Үүнийгээ болих хэрэгтэй. Хэн нэгний сэтгэлээ шингээж гаргасан дуу, уран бүтээлийг болохоор огт үзэхгүй. Арай л биш. Залуусаа муу зүйлийг улам дэвэргэхийн оронд сайн сайханд нэгнийгээ уриалмаар байна. Нийгмээ өөрчлөхийн тулд, зөв зүйл рүү зөв уриалга гаргах шаардлага нэгэнт бий болжээ. Бидний оролцоо эх орны хөгжил дэвшилд чухал үүрэг гүйцэтгэх учраас энэ сарын 26-нд заавал өөрийнхөө сонголтыг хийгээрэй.



Тал нутгийн цахим мэдээлэл



